



BEGZAT RRAHMANI

PËRJETËSIA

**Kërçovë
2006**

BEGZAT RRAHMANI

PËRJETËSIA
POEZI FETARE

KËRÇOVË, 2006

REDAKTOR: Abdurrahman ASLLANI-teolog

RECENSENTË: Prof. Sherif DEHARI-teolog
Prof. Ilmi VELIU-teolog

LEKTORE: Prof. Gëzime Baftiri

RADHITJE KOMPJUTERIKE: Yllëza RRAHMANI

BALLINA:

BOTOI DHE SHTYPI:

KËRÇOVË, 2006

ZOTI E BEKOFTË Z. AGIM SELIMIN QË MË DHUROI
KOMPJUTERIN.

S'lejohet ribotimi dhe shpërndarja e librit pa autorizimin e autorit.

BOTIMIN E LIBRIT E NDIHMUAN:

1.NPTSH“INXHINJERING-AG”inxh. Qamil VELIU,drejtör

2..REXHEP LIMANI-FRANCË

3..”SHARR MERMER”IRFAN IMERI,drejtör

4.NTP”LUSHI”SAMI BALLAZHI,drejtör-Cërvicë

5.NTP”TERMO-KIMI” ALI LUTFIU,drejtör

LUTJA E MËNGJESIT

Ju falënderohem Zot,që më mundësuat të shikoj dritën e kësaj dite dhe të lutem,që të më hapësh rrugën e drejtë...

O NJERËZ

Zemra e Kur'anit
është JASINI
lexoni me vëmendje
te pseja do të vini.

Në Kur'an ka dijeni
sa Galaktika me yje
prandaj Ju o njerëz
hulumtoni fusha dhe pyje.

Të dërguarit e Zotit
na kanë ardhur me vepra
mrekullitë e tyre
i kemi nëpër letra.

Me leximin e tyre
ju pastrohet zemra
me mirësi e butësi
ktheheni te amshimi-tjetra.

FJALËT E XHIBRILIT

Me penë dhe armë
kur e mbron vatanin
adhuron Zotin
dhe beson Kur'anin;

Lutjet për amshim
ti kuptoni mirë
duhet gjuhë amtare
dhe vatan të lirë.

Fjalët e Xhibrilit
peshojnë sa tërë bota
veproni sipas tyre
jo punë të kota.

Kraharorin për të çarë
duhet punë e dijeni
si dikur Muhamedit
e Zotit - FUQI.

PENA DHE DITURIA

Simbolet e shenjta
na i fali perëndia
-DITURI E PENË-
të adhurojë njerëzia.

Si ngjiza në mitër
që rritet ngadalë
Zoti i jep shpirt
në jetë për të dalë.

Pena prej fëmijërisë
të kalit adhurim
pastron diturinë
për trupin shpëtim.

Dituritë e thella
Kur'ani i brumos
argumentet e jetës
pena i vulos.

PARAJSA

Me mirësi hapen rrugët
në rreth të ngritët vlëra
Zoti të shpërblen
Xhenetit i hapet dëra.

Engjëjt janë të gëzuar
që të ndjekin në jetë
del përpara drejtësisë
çdo fjalë e vërtetë.

Shejtanët pëlçasin
kurrë si ke bërë shokë
ke menduar për amshim
dhe për këtë botë.

Rrugëve të Kur'anit
kurrë s' mbyllet dëra
ZOTI TË SHPËRBLEN
kurrë s'të bie vlëra.

KUR'ANI

Zoti dërgoi Kur'anin
truri ti pastrohet njeriut
si freskimi i ajrit
pas ramjes së shiut.

Të trasojë rrugët
që i duhen në jetë
tjetrit mos i bëhej keq
pasi së dëshiron vetë.

Duke lexuar Kur'anin
shpirti hedh prapësitë
je i respektuar
shton dijenitë.

Të urrejnë shejtanët
s'të afrohen në shoqëri
sa kohë lexon Kur'anin
ata ndodhen në robëri...!

BUTËSI SHPIRTI

Kur të preket shpirti
digjesh në zemër
i kthehesh Zotit
përfiton emër.

I a lehtëson vuajtjet
atij që kërkon mëshirë
prej tij të vjen urata
të gdhihesh shëndosh e mirë.

Ai që s'ka shpirt e zemër
është një copë kallkani
e urren edhe Zoti
dhe i tërë vatani.

Duke lexuar Kur'anin
ndien në zemër butësi
përherë të thotë shpirti
njeriut i duhej liri.

NATA E MADHE

Natën e Madhe
ne të gjithë festojmë
duke iu lutur Zotit
dhe e falënderojmë.

Që na bëri njerëz
dhe na solli në jetë
të përgatitur të shkojmë
edhe në Ahiret.

Pasi në këtë botë
askush s'ka mbet
mirësitë hapin derën
për në Xhehenet.

Me lexim të Kur'anit
Dimë për dje dhe sot
prej mrekullive në te
derdhim edhe lot.

VEPRAT E BËRA

Do të ringjallemi o njerëz
si bimët në pranverë
-Ditën e gjykimit-
të gëzuar apo të mjerë.

Në varr shkon trupi
por s'është i amshuar
-VEPRAT E BËRA-
s'kanë të mbuluar.

Engjëjt ndjekin
çdo vepër e fjalë
për ju njerëz
deri sa jeni gjallë.

BETIMI

Ai që beson Zotin
adhuron me zemër
bënë vepra të mira
në shpirt ka një emër.

Pasurinë e kemi shpërblim
kurse trashëgim fëminë
siç kujdesemi për ta
duhej edhe dijeninë.

Edhe vetë Zoti
betohet në penë-shkrim
me te ruhet çdo gjurmë
që kemi trashëgim.

SHPIRTLIGU

Ai me shpirt të lig
bënë vepra krimi
kurrë s' pendohet
i mungon besimi.

Djalli ia ka mbyllur sytë
është i bindur se s' bëjnë mirë
e dinë se engjëjt regjistrojnë
është zemërkeq e plotë smirë.

Zotin e kujton
kur ndodhet në rrezik
pasi kalon stuhia
s' njeh Zot as mik!

FESTA E MADHE

Është kënaqësi
të flijosh për njerëzinë
-FESTA E MADHE-
të gëzon shtëpinë.

Sofra e mbushur
-DREKËN E BAJRAMIT-
dashuri ndaj Zotit
dëshmi ndaj ISLAMIT.

Të nderosh të vobektit
është vepër madhështore
prej tyre dhe Zotit
merr urata prore.

FJALËT E ZOTIT

Në mes të gjithësisë
Kur'ani shndërrit
lëshon rreze
na sjellë dritë.

Çdo fjalë e shënuar
s'ka mohim
janë fjalët e Zotit
për ne shpëtim.

Na trason rrugën
plot dituri
të jetojmë me nder
në paqe e liri.

LOT GËZIMI SIKUR SHI

Havës i erdhi fryma
Ademit pështyma
Pemës kuqe molla
shejtani tha unë ua solla
Hava hëngri ndeu lezet
merr tha Adem ti ç'pret?!
Përqafim-dashuri
-LOT GËZIMI SIKUR SHI-
gufonte barku dalëngadalë
lumi shkonte valë-valë
njomte tokën rritej bari
erdhi pranvera erdhi behari
pastaj lindën dy binjakë
krijesat të Zotit
edhe ditë e natë...

DEVOTSHMËRIA

-Rexhep Vokës-

Satrapët e kohës
i kalb toka
kurrë mendimet e popullit
dhe çka thënë Rexhep Voka.

Njeriu satrap
s'ka dije Komb e Fe
është i mbuluar
me pluhur e dhe.

Jemi njerëz
-KOMB I VËRTETË-
me fenë e Zotit
të vijnë në jetë.

Prej ku lind dielli
dhe perëndon
Kur'anin Famëlartë
bota e lexon..

PAGËZIMI

I falënderohemi Zotit
kur lind fëmija
nusja bëhet nënë
gëzohet shtëpia.

Zgjedhim emër
e bëjmë gostinë
në krye të odës
imamët e foshnja rrinë.

Foshnja jep zë
kur përmendet Zoti
jam i devotshëm
i shpërthen loti.

Urojnë të pranishmit
Jetë të gjatë e trim
-FETAR E KOMBËTAR-
për prindërit lavdim.

PAS KIAMETIT

Erdhëm në këtë botë
me trup, zemër e gjak
siç i ka hije njeriut
dhe të shkojë prapë.

Pas kiametit
do të hipim në peshojë
kush çka bërë
shpirti do të dëshmojë.

VAJIN NDAL FËMIJA

Shpirtin ma qetëson
një melodi nga larg
mjeshtër i madh
autori në varg.

Shtat pashë në qiell
shtatë pashë në tokë
lulet shpërthejnë
në luadh e bokë.

Nënës i vjen qumështi
vajin ndal fëmija
rrugët mbushen plot
përmbushen xhamijat.

Ndalen dhimbjet
në trupin e sëmur
i përkulen Ezanit
s' përsëriten kurrë.

Të zhduken nuskat
dredhitë nga jeta
të besojmë Zotin
me punë të vërteta.

NESËR DO TË BIE SURI

Sot i bënë veprat
nesër do të bie Suri
pendimi është kot
ata peshojnë sa guri.

Do të hapen varret
siç shkruan në Jasin
thoni nuk besojmë
kush janë këto që vinë?!

Ç'kanë tepër prej nesh
besimi thonë është kot
e kush na qenka-
Ai i vërtetë Zot...?!

Sot na mbyllet goja
Nepsi si dikur vepron
peshimi i veprave
rrugën na trason.

PËRJETËSIA

Poezitë të kënaqin shpirtin
rregulla për jetë kanë
përmendet edhe amshimi
por jo siç shkruan në Kur'an.

Rregullat të zbatohen në praktikë
pasi me ideologji s'ka kënaqësi
me vëmendje lexoni AJETET
do të gjeni të Zotit porosi.

Ku manifestohet bujaria
ka sjellje dhe dituri
VEPRAT JU PËRJETËSOJNË
përpara engjëjve do të keni lehtësi.

Me haje e pije s'ka përjetësi
ato avullohen trupi prapë kërkon
gradimi dhe përjetësia fitohen
nëse Ajetet me precizitet i zbaton.

ETJA E PËRJETSHME

I dëshironi krejt të mirat
kurse bëni vepra për në ferr
engjëjt ato i regjistrojnë
çdo vepër në varr e merr.

Për sy e faqe bëni Namazin
kurrë se besoni Zotin
zemra e shpirti u kënaqet
kur te jetimi shikoni lotin...?!

Etja do të jetë e përjetshme
do të afroheni te lumi KEVTHER
prej poshtërsive të jetës
për ju uji do të shter...?!

Kurrë s' mendonit për mirësi
atje ishit për sprovë në kalim
veprat i vërtetojnë engjëjt
shoqërimi me djallin meriton dënim.

NGADHËNJIMI

Kthehu nga Kibla
kur të falësh Namaz
largoju nga idhujt
dhe çdo tjetër avaz.

Është porosi e Zotit
je i singertë e besimtar
hedhë luhatshmërinë
s'je as edhe tradhtar.

Kibla ngadhënjeu
prej Profetit Muhamed
pasi ajo dëshirë
ishte e Zotit vetë.

Me Namaz e durim
zgjidhet çdo problem
madhëron fuqinë e Zotit
praptia thotë-ndalem!

RRUGA E VËRTETË

Zhduken praptitë
me besim dhe moral
të lumtur janë ata
që Zoti ua ka falë.

Sa hap e mbyll sytë
të tretet pasuria
largoheni nga praptitë
dhe nga dyfytësia.

Zgjidhni rrugën e drejtë
që është trasuar me Kur'an
është privilegj për ne
të tjerët se kanë.

Lexoni me vëmendje
çdo Ajet ç' thotë
bëhesh i përgatitur
për amshim dhe botë.

RRUGA E GËZIMIT

Ku mbretëron djalli
prej aty ik
ashtu ai pëlçet
pse si bëhesh mik.

Madhëron Perëndinë
që krijoi tokë e qiell
edhe djallin e mallkuar
që përçarje mbjellë.

Ndiqui rrugën e Profetit
djalli të bëhet shkumb e hi
u largohesh edhe idhujve
beson një Perëndi.

Në zemër ke Islamin
shtrin dorën e pajtimit
pasardhësve u trason
RRUGËN E GËZIMIT.

VEPRAT

Veprat njerëzore
e lehtësojnë pleqërinë
edhe në amshim
njëra pas tjetrës vinë.

Ndodhesh afër Kevtherit
kurrë etja s'të merr
sa ishe në sprovë
kurrë s' mbillje vrer.

Ke lindur i devotshëm
dhe vazhdoje ditë për ditë
përherë afroje të mirat
dhe i hedhje praptitë.

Vizitoje Tempullin e shenjt
kokën kurrë përpjetë
ndihmoje të pamundurit
siç e kemi amanet.

KTHIM NGA E MBARA

Me urdhër të Zotit
mrekullitë s' janë magji
njerëzve të devotshëm
u jepet ajo mundësi.

Ata kurrë s' krenohen
s'bëjnë as keqpërdorim
në raste të vështira
ata kanë durim.

Zoti i trimëron
përherë shkojnë përpara
rrethin e kthejnë
përherë nga e mbara.

Kundërshtarët të turpëruar
largohen nga arena
pasi mrekullitë nga Zoti
janë të vërteta kurrë rrena.

PESHORJA

Derisa je i gjallë
shikon rrezet e diellit
ditën e kijamatit
shikon si çahet qielli.

Duke u mbledhur eshtrat
trurit i rikthehet e kaluara
me habi do të pyesësh engjëjt
këto vepra unë i prura...?!

Përkulja përpara drejtësisë
dhe lutjet për mëshirë
të kota do të jenë
përherë bëje keq e kurrë mirë.

Nga do të anojë peshorja
ai gjykim të pret
përjetësia s'ka vend tjetër

XHEHENEM apo XHEHENET.

MBILLEJ HARMONIA

Në freskinë e agimit
lutu për punë të mbarë
rrugën të ta hapi Zoti
për bashkim, jo për të ndarë.

Siç betohej për Mekën
për ata njerëz të mirë
ku mbillej harmonia
për veprimtari të lirë.

Shkonin rrugës së Zotit
syri u shikonte larg
prandaj sukseset e tyre
radhiteshin në varg.

Truri i ndalte epshtet
i largonte nga shëmtimet

keqësinë e kthente në të mirë
të përjetojë gëzimet.

PASURIA

Gënjehesh me rehatin
ti o njeri
që e përjeton
pse ke pasuri.

Harron familjen
dhe botën tjetër
herët ose vonë
do të shkosh patjetër.

Si ata përpara
me plotë prapsi
parajsën se fituan
siç fituan pasuri.

Edhe varri bukur
duket i shëmtuar

pasi kurrë rrethin
ti se ke nderuar.

MREKULLITË SI HAPËSIRA

Nëse dehesh me pije
dhe prej hajes pëlçet
largohesh nga jeta
vetveten e vret.

Rrugën ta trason djalli
me atë pak kënaqësi
të largon nga besimi
je një trung njeri.

Shoqërohu me Ajetet
bindu se je në kalim
rruga e vërtetë hapet
nëse thellohesh në lexim.

Ajo fjalë e shenjtë
që u tha te shpella Hira

filloi të zbres Kur'ani
MREKULLITË SA HAPËSIRA.

ENGJËJT

Koka e ngritur lart
këshilla s'pranon kurrë
herët ose vonë
ajo has në mur.

Krenohet me fjalë boshe
jo me bindje dhe vepra
duke mos menduar
e përjetshme është tjetra.

Atje ka realitet
asses i rrena e dredhi
dy engjëjt përcjellës
shënojnë me përpikëri.

ajo është e hidhur
por i thonë drejtësi

sikur të besojë Kur'anin
do të kishe përjetësi.

DIJA DHE MORALI

Pasi lind e rritesh
me dije dhe moral
armiku i përbetuar
fitoren s'mund ta ndal.

Pëlqen rrugën e Zotit
e shënuar nëpër Ajete
veprat njerëzore
s'janë vetëm për vete

Rrugët e hapura
zhdukin pengesat
ka mirëkuptim
fortë lidhet besa.

Me fitoren e shënuar
hyni në përjetësi

jeni të devotshëm
besoni një Perëndi.

TË THELLA PA KUFİ

Mësuesi krenohet me nxënësin
që ka respekt dhe dijeni
rrugëton rrugës së drejtë
të Kur'anit me devotshmëri.

Kurrë s'u dhimbset koha
bisedon me çdo njeri
fjalët që i dëgjon
i zbërthen në vetmi.

Fjalët e plakut pa emër
që e respektoi si prind
i lanë përshtypje dhe habi
si diçka kur rilind.

Teshat janë dekor
në ta s'ka mençuri

por fjalët e plakut
ishin të thella pa kufi.

KRIJUESI I BOTRAVE

Fjalën e thënë
e zhduk era
prandaj shkruhet
dhe si humbet vlera.

Atëherë era vorbull
e pëlcasin djallin
sepse ajo fjalë
rëndohet sa mali.

I dha urdhër Xhibrilit
Krijuesi botrave vetë
ta shpërndajë dijeninë
Profeti i dashur Muhamed.

Ta pagëzojë PËRJETËSINË
me emrin K U R 'A N

që peshon më shumë
se mali dhe oqean.

LART MBAJNË FLAMURIN

Bindja ideologjike
me fortësi guri
urtësi e sinqeritet
lart e mban flamurin.

Njerëzit i përkulen
duke e parë në vepër
bindja fortësohet
hedhë çdo idhull tjetër.

S'pranohet me dhunë
por me bindje dhe liri
në zemër ke Zotin
punon me kënaqësi.

Flamuri lartësohet
numri shtohet në botë

feja më e dashur
te KRIJUESI ZOT.

KËTU I THEMI KOMË

Largimit prej kësaj bote
të gjithë vdekje i thonë
por çdo të ndodhi andej
do të shikohet më vonë.

Ai që s'besonte Kur'anin
bënte krime,thonte s'gabon
do të futet në zjarr të xhenemit
që as të vdes,por as s'jeton...

Prandaj lexoni Kur'anin
analizoni Ajetet ç'thonë
që të mos ngelni në atë botë
siç i themi këtu KOMË.

DO TË PIQEN BUZËT

Këtu ngopesh me ushqim
që të tjerëve ua merr
në amshim do të hash
atë bimë,që i themi ferrë!

Do të piquen buzët
do të bëhen shkumb

uji do të përvëlojë
siç përvëloje nevojtarë shumë.

S'lexoje Kur'anin
ku s'lejohet fjala dhunë
me marifetllëqe e rrena
me dorë s'kapje punë.

Lexoje përralla broshurash
thoje jeton vetëm për sot
tash pendohesh përpara zjarrit
drejtësia të thotë është kot!

MOHIMI DREJTËSISË

Për veprat e bëra
shpërbleheni me meritë
Zoti ua dërgon
kur si keni prit.

Ata vinë nga toka
por edhe nga qielli
furtuna e tërmete
acare e nxehtësi dielli!

Organizma të pa dukshëm
zullumqarët i bëjnë shkret
dikur do të binden
por fryma nga trupi humbet.

Biseda me engjëjt
do të jetë viran
mohonit drejtësinë
Zotin dhe Kur'an.

S KALBEN VEPRAT

Duhej të bëjmë gara
që të ndjejmë kënaqësi
të mos bëjmë devijime
për të Zotit porosi.

Jeta luksoze e botës
me veshje shik aromë
s'na ngel kohë për lexim
Ajetet Kur'anor ç'thonë.

Largohemi nga garat
dijenia shteret
dalëngadalë jeta
fillon të erret.

Ajo veshje e bukur
do të marri aromë plehu
vazhdoni me lexim e gara
ato kurrë si kalb dheu...?!

ZJARRI PLOT PRUSH

Në ditën e fundit të botës
do të hapet edhe i yti varr
ti i habitur do të pyesësh
ç'bënë toka e qielli çka ngjarë...?!

Plotë njerëz,profetë do të shikosh
edhe Kur'anin e madhëruar
ata që kishin punuar sipas tij
do të jenë të lumtur e nderuar.

Ata që dikur të përkuleshin
do të ikin prej teje
s'do të mundesh të përgjigjesh
dikur thoje si takon asnjë feje.

Bindesh se të anon ana e majtë
dhe i afrohesh zjarrit plot prush
i shikon ata që të përkuleshin
si argëtohen dhe s'të shikon kush...?!

RADHIT VEPA TË MIRA

Para se të falësh Namaz
pastron:shpirt,trup e zemër
dëshmon devotshmërinë
jo për të fituar emër.

Engjëjt regjistrojnë
ndiejnë kënaqësi
i luten për ty Zotit
për fuqi e pasuri.

Ti ndihesh i lumtur
bënë obligimin me sukses
radhit vepra të mira
për punë s'ke përtesë.

Habitet rrethi
për aq rregullsi
ti ec rrugës së Zotit
prandaj s'ke mangësi.

LUFTA E QABES

Ti që shikon me sy
se përjeton tru e zemër
avullohet si uji në zjarr
ngjarjes si vendohet emër.

Atë aftësi dhe mrekulli
të devotshmit ia jep Zoti
e përjeton dhe shkruan
edhe pse ka ndodhur moti.

Lexo Ajetet Kur'anor
dhe do të bindesh vet
LUFTËN E QABES
Si përshkruan Muhamedi profet.

Fuqinë e jobesimtarëve
Zoti e bëri rrebesh
e vërteta dhe drejtësia
përherë dalin në shesh.

SHPESH TË HUTON TRURI

Mos u mundo o njeri
për pamjen dhe përbërjen e Zotit
mundohu për adhurim e devotshmëri
u ik fatkeqësive dhe derdhjen e lotit.

Për pasurinë e tokës e qiellit
të krijoj Zoti ty o njeri
tash i bëhesh rival
me trurin dhe atë pak pasuri.

Syri të shikon pak
truri të huton shpesh
mundi të shkon kot
e vërteta del në shesh.

Kryej obligimet e Kur'anit
që janë treguar bukur shumë
punët do të shkojnë mbarë
si uji i pastër në lumë.

KATILËT

Të vrasin katilët
të hedhin edhe në greminë
për drejtësinë e Zotit
ata s'duan të dinë.

Kënaqen me vuajtjet
e vëllait të vet
duke mos besuar
i lindur për mbret.

Forcën e vet
e kthen në mirësi
i falë vëllezërit
për gabime e dredhi.

Të binden në fuqinë e Zotit
në rrugën e trasuar me Kur'an
katilllëkun të kthehet në mirësi
mos mendojnë keq për vëllan.

DEVOTSHMËRIA

Sipas veprave
dhe sjelljes njerëzore
radhitesh në atë vend
dhe mbetesh prorre.

Emri të përmendet
përherë me pjetet
devotshmëria pa fund
ndaj Zotit dhe profet.

Luftoje haptas
me fakte e vepra
këtu jemi në kalim
e amshuar është tjetra.

Shoqërohesh me engjëjt
si dikur me hierarkinë
porositë e veprave
njëra pas tjetrës të vinë.

BESA DHE PAJTIMI

Kur e shtrini dorën
për të dhënë besë
kujtoni HUDEJBINË
prandaj kini kujdes.

Engjijtë janë me ju
punët ju shkojnë mbarë
armiku çoroditet
si gjarpërinj duke vrrarë.

Ligështia kthehet në fuqi
armiku humb shikimin
shkoni drejt fitores
rritni dhe kalitni besimin.

Me besë dhe pajtim
lartë shikohet flamuri
pasi i shndrit
si në Parajsë nuri.

RRUGA HAP DREJTIMIN

Veprat që bëhen
me urdhër nga Zoti
s'ka fuqi ti zhduki
ato janë qysh moti.

Atyre s'u bie vlera
janë për tokë e qiell
përherë kur i lexon
të ngrohin si diell.

Rruga hap drejtimin
për mirësi e bujari
puna kurrë s'të lodh
ndihesh engjëll e fëmi.

Shumë njehë njerëzimi
por një shndrit
emri-Kur'an-
terrin na e bënë dritë.

BINDET ÇDO NJERI

Kurrë nuk kundërshton
-AJETI AJETIN-
me përpikëri vërteton
ZOTI REALITETIN.

I dërgonte sipas nevojës
për rregulla njerëzore në tokë
me shumë mjeshtri Xhibrilit
ia mbillte profetit në zemër e kokë.

E urrenin idhujtarët
pse atyre s'u dha ajo aftësi
ti thonë ato fjalë të bukura
që bindin çdo njeri.

S' mbante kokën lart Muhamedi
vazhdonte të Zotit porosi
të mbillte fenë e dashur
në tokë te çdo njeri.

DITA E GJYKIMIT

Sa rëndë do të jetë
-DITA E GJYKIMIT-
për ata që pa të drejtë
i bënin dëme njerëzimit.

Atë ditë hapet regjistri
për jetën dhe veprat në tokë
s'jetë gjë në errësirë
krejt i dinë i Madhi Zot.

Engjëjt do të dëshmojnë
për ndodhitë në hollësi
matrapazët e jobesimtarët
do ti shikojnë me habi.

Gjygji s'qenka si atje
thonë paska tjera rregulla
s'paska miq e ryshfet
prind motër e as vëlla...?!

BESIMTARI

Kur pranon një obligim
e zbaton me përpikëri
si ndaj Zotit
dhe për çdo njeri.

Prej dorës së keqe
besimtarin e ruan Zoti
prej djallit të mallkuar
kur është në rrebesh moti.

Kohën se kalon
nëpër ahengjet e ditës
me devotshmëri ndaj Zotit
kurrë si lakmohet pritës.

Me parajsë Zoti
e shpërblen besimtarin
kurse zjarri i ferrit
do të djeg tradhtarin.

PENDIMI ËSHTË BURRËRI

Veprat e bëra
me plotë sinqeritet
i pëlqen njerëzia
por dhe Zoti vetë.

Të jetohet në paqe
me plotë pasuri
bukuritë e kësaj bote
ti shijojë çdo njeri.

Pendimi është burrëri
nëse nuk përsëritet
vazhdon rrugën e drejtë
besimi ndaj Zotit rritet.

Shkon pas dijes
Të ajeteve në Kur'an
kurrë fatkeqësitë
si dëshiron për vëllan.

MAHI TË VOGLA

P E N D I M I

- Më shkruaj një hajmali,i tha një nxënës rrugaç një imami.
- Mirë,i tha imami,eja nesër do të jetë gati.

Rrugaçi iku duke menduar se do të tallej me te,,,"Të nesërmen i tha imami:

-Ja merre,por mbështille mirë,janë fjalët e Zotit.

-Të faleminderit hoxhë-i tha dhe iku sa më shpejt të takonte shokët dhe tu tregonte për shkarravinat e imamit.Në çast u ndal që ta lexonte vetë. Në te shkruante:

"Nxënësin e mirë
e do shumë Zoti
nga sjellja e tij
shter edhe loti".

Pasi i lexoi shumë herë,u kthye te imami që ti kërkojë falje,kurse ai duke ia ledhatuar flokët i tha;

-Zoti i fal ata që pendohen.Prej asaj dite rrugaçi u bë djaloshi dhe nxënësi më i mirë i fshatit,

S H E J T A N A T

Pasi takohen dy shejtanë dhe njëri e pyet tjetrin:

-Kur të gjuajnë me gurë,ku fshihesh? Ai qesh dhe i përgjigjet:

-Në shpirtin e vetë gjuajtësit!

M A T R A P A Z I

Një matrapaz i thotë një hoxhë:

-Para se të vete xhami e pastroj mirë trupin!ai ia kthen:

-Bukur,por përpara pastro shpirtin.

BUDALLAI

Një i “mençur” e pyet një “budalla”

-Ç’ duhet të bëj që toka të jetë e imja? Budallai pak mendohet dhe i përgjigjet:

-Atë nuk e di, por e di se ti do të jesh i tokës.

TRIBUNA FETARE

Në tribunën fetare dikush pyet:

-Ç’ është bërë me ata mysliman, që në sistemin monist-ateistët vdiqën dhe s’ u është falur xhenazja?!

Njëri prej imamëve përgjigjet:

-Ata nuk janë vetëm, sepse edhe ai që s lejonte faljen ka shkuar pas tyre!,,,

BISEDË MES DY SHOKËVE

-I mirë është agjërimi!

-Po, por kush e mban, iu përgjigj tjetri,

-Unë,,, po mundohem, por s mundem ta kap,,, belbëzoi i pari,

PROFESORI DHE STUDENTI

Profesori i thotë një ish studenti:

-Tani e shoh se kam gabuar pse dikur të kam dhënë gjashtë në gramatikë,

-Po,efendi,unë edhe sot e kësaj dite s'e njoh gramatikën,por shumë bukur e njoh politikën-ia ktheu ish studenti.

LUTJA E MBRËMJES

Të lutem Zot,që të më falësh mëkatet e kësaj dite dhe të më rehatosh në gjumin e kësaj nate...